

江灣里志卷十二

人物志

賢達 隱逸

孝友 游寓

忠節 方外

文學 列女

德義

賢達

明

嚴貞度原名佩環字茂肅居嚴家角獨學無師而所為文自出儕輩萬曆十一年成進士知東陽縣旋擢刑部員外晉職方郎中會遼東總兵馬林為太監高淮誣劾謫戍貞度與同官力持之神宗怒以阻撓礦稅斥為民初貞度受知大學士沈一貫在部曹時朝士欲因以先容峻拒之及歸僦屋以居貧不能自給歿無以殮天啟元年贈尚寶司丞賜祭葬

孝友

江灣里志

卷十二

賢達

孝友

一

明

嚴銑字子華居蘆涇右父堂故長者邑令李資坤召主權會奸胥不敢攤逃賦郡守王儀又令察諸占田不實者忤里豪意乘守去訟之御史瘕死獄中時銑尚少默自瘖其胸作必報父仇字既數年訴諸父老曰孤今幸壯有力矣不難剗刃讐人胸第吾父被污卒不白請告士師而殺之於是走御史臺訟父冤里豪被逮自經死銑痛不逮養刻木為父像事之如生殷都為作傳

清

李維煌字裕光居鎮年十四父嚴士病劇即徹夜服侍呼天泣禱父卒哀毀欲絕三年不離柩側母詹氏故多疾維煌入侍湯藥出持門戶纖悉不遺母又患喉症夢神鍼治之而愈咸稱孝感

弟維烜出繼厚分已產與之遇潮災歲歉減食以周戚鄰及患喘不起屬其子圻孝事祖母而歿錢塘袁枚長洲彭啟豐皆爲作傳乾隆二十年題請建坊

管一清李孝子哀辭 聖代崇仁 孝東南第一人十齡悲父病畢世

戀慈親死後黃泉淚生前白髮 身遺言示兒輩家祭重沾巾

張調元字爾梅家綦貧痛父早歿竭力事母傭力所餘悉以供母必得其歡而後止母亡哀毀骨立蔬食終其身

葛裕民字南仙年十二父爲仇家所構幾致大辟會郡守盧按行至縣裕民匍匐上控呵逐之明年叩守署守奇其幼俯領所請然猶未能理也商邱宋犖爲巡撫裕民竄身兵衛呼號投牒卒以得白中年補武學生能詩

胡墨觀居鎮西家故貧窘目不知書事母極誠篤每所食之物必

江灣里志

卷十一

孝友

二

先請所欲而後備凡可爲親娛者不遺餘力歷十數年如一日里黨咸稱爲孝子

嚴允中字維一居鎮九歲喪父事母孝嘗與母居舅氏家值鄰人不戒於火延及舅廬母阻火不得出允中冒火入救而煙焰方張母迷眩不能行乃以被裹母負而出之比出而外衣灰燼矣一日母偶遺米於廁痛自責允中方病躍起傾糞於地檢食之母染疫將不治允中對天虔禱願減己算母果愈而允中病矣臨歿屬妻周氏曰吾死願汝孝吾母也聞者皆爲墮淚卒年二十八長洲沈文懋德潛爲作嚴孝子傳

黃元義字令昭幼失怙事後母藹然孺慕尤樂義舉遇歲災捐粟煮賑不遺餘力嘗路拾遺金訪還之雍正間大吏給匾以獎乾

隆元年舉孝廉方正子錦武學生

張鍾秀字蘭巖炳文子諸生性廉介不苟取家貧課徒自給工吟詠詩才敏捷傾倒儕輩應童試以負米維艱遂中輟年五十攜子寶鑑應試得父子同時入泮人皆幸其晚成鍾秀至性過人以父充團局司事殉粵匪難語及輒淚下孝思至老不衰待諸弟尤篤友于之誼生平和易近人與物無忤精醫理人有求治者輒應手愈然不欲輕於炫售故終身未嘗懸牌襄辦善堂團練掩埋修補橋路等事尤克盡心力著有澄懷書屋吟稿從子寶興字蘊輝諸生性穎悟工書善畫歲科試屢列高等

趙世俊字天傑居鎮幼孤家甚困約而事母盡孝稍有餘卽分潤宗黨兄歿撫姪如子里中橋梁廟宇輒捐資修葺之年八十有

六

吳達三國學生性豪爽尤篤友于生一子弟生三子分家財爲四曰如此適均否則姪用將不給矣姪湘煌亦能睦親族嘗割股以療母疾咸豐間以兵燹捐餉加州同銜

龔譜韶字品杉居鎮事親能先意承旨家綦貧而輒市果餌奉母以博歡笑里中節孝必詳爲甄錄年七十餘授經里門習書輒取格言積帙盈案著見藝文

陸洪疇字松泉居鎮天性純篤顏所居曰春暉蓋以示孺慕之念終身不忘也家故貧幼以先疇讓兄自習計然術精勤逾儕輩遂以起家納粟爲國子生而勗其子成名於庠序平生敬禮寒士遇癯獨者輒揮金恤之及卒猶以睦誼詔其後昆

張承恩字陞德有孝行嘗刲臂和藥以療親疾所居狹窄以讓於兄就舊廬之東偏另構數椽以居之性好勤非其力不食其儉德有可風者

蔡至仁字錫春家貧習計然術貿易滬上漸充裕有孝行母疾嘗焚香禱天刲臂和藥以進性好善凡里中橋路廟宇應修建者無不解囊以助而於恤癯恤嫠等事尤有實惠及人

忠節

明

施鳳儀字孟翔由羅店移居里中殷七圖受業嚴衍之門崇禎十年成進士仕武昌府推官性廉潔不畏強禦遷兵部職方司郎中甲申之變潛赴南都時閣部史可法督兵揚州一見如故疏

江灣里志 卷十二 孝友 忠節 四

請以職方贊畫軍機城下時或勸之行鳳儀不答堅坐城上死於亂兵藁葬城隅

(嚴恒悼施職方詩)山房紀夢字分明自遘迴鹘地軸傾項背一刀全素志風波萬疊任輿情淒涼寡婦持門戶辛苦諸孤屬友生藁葬城隅惟髮在幽魂誰與薦孟羹

清

黃學中裕昌子居鎮軍功游擊銜賊陷嘉定中鎗陣亡

石雲龍字霖蒼居鎮州同銜為人慷慨能任緩急咸豐十年董團防事十一年十二月賊踞大場窺江灣雲龍請撥勁旅進剿當事不聽未幾賊至雲龍督勇逆擊相持間賊從牛郎廟抄襲其後衆寡不敵勇丁李四陳思振兩局司事張炳文陳淵皆死之雲龍被重傷昇至上海翌日死賜雲騎尉世職

陳金揆居殷十一圖農家子幼卽沈毅有略光緒初政府就上海設局招生資送出洋留學金揆奉派赴美七年回國入天津水師學堂考驗成績優美派隸威遠兵艦實習歷充北洋水師把總千總上官皆愛其才委充揚威兵艦二副拔補大副十四年設海軍奏升中軍都司擢至游擊任致遠兵艦幫帶兼領大副甲午日本犯朝鮮海軍奏調往援八月十八日猝遇日艦大隊於大東溝提督葉志超意存規避不發備戰令而敵軍已銜檣相逼左右環攻金揆知事不可爲急開足輪機猛撞日艦復回撞魚雷船兩艘並沉於海遂殉難年三十有二事聞照提督陣亡例諭賜祭葬世襲騎都尉入祀京師本籍及陣亡地方昭忠祠並撰具事蹟宣付國史館立傳

金大廷字巨卿居闕五圖光緒初由文章應出洋之選與陳金揆同時赴美留學八年回國入天津醫學館肄業旋充直隸武備學堂醫官升西醫學堂監督歷充京津鐵路旗兵學堂總醫官甲午之役派辦前敵行軍醫局積勞累保至四川知府儘先選用二十六年畿輔拳匪肇亂聯軍至津陷武備旗兵兩學堂救護不及爲流彈所中墮河殞命事聞照四品官陣亡例議恤追贈太僕寺卿銜給予雲騎尉世職

文學

明

李鎬字伯京居鎮穎敏嗜學經史外博通諸子百家成化間以歲貢授邳州通判踰年告歸築一圃吟嘯其中尤尙氣節遇當爲

事輒奮然不辭曰金帛之豐豈愈於德行之積耶鄉里稱古君子

葛啟占字廷玉居鎮八歲失怙李鎬以女妻之延師課讀補諸生綽有文名

李士龍鎬孫字應明平生修謹與物無忤嘉靖間由歲貢司鐸餘姚嘉興遷福建建寧教授告歸以書畫詠歌自適

張表字君實與嚴景陵少同硯席文行亦相埒入府庠有名廣交遊而性廉介食貧自守修飭內行爲唐時升徐允祿輩所推重子處厚字載夫夙稟庭訓凝靜好學邃於經詁

毛一楨字爾嘉居鎮後遷殷行以選貢任武進訓導爲文卓越流輩每試藝出傳播遠近與侯峒曾黃淳耀相友善峒曾諸子皆

從之游以學博薦授臨臯縣知縣未仕卒

嚴有功字敏如因父號頤靜自號象頤邑諸生工舉業試輒冠曹偶嚴氏羣從隸博士者幾二十人以有功爲最

清

嚴振英字亦見諸生工詩與太倉王時敏吳偉業相唱和孫朝楨字啟榮入松江府學詩文亦華瞻

盛昌祚字其錫居鎮父同賢字名卿篤內行好讀書諄諄以樸誠訓子弟昌祚早歲遊庠爲時端士邑令趙昕延爲子師佐昕輯嘉定志採訪海濱事實及定條例多出其手

祝愷原名綱字孝瞻居鎮讀書砥行與董德其配瞻張雲章漢瞻爲友一時有三瞻之目食餼松庠以婦失權於姑出之不復娶

渡河北遊竟以孤子卒於旅次母子聞變奔喪扶櫬歸

張方建字賓實居鎮康熙初隸籍上海以諸生貢成均與從弟壽錦互相砥礪並有文名

金聲字正音幼聰敏過目成誦及長博覽羣書入都肄業成均爲尙書徐乾學所器重康熙庚午南闈已定魁選以兩主司意見不合被斥遂絕意科名

沈音字曰千居小吉浦性明敏爲詩穠麗絕倫援筆立就中歲客吳門歌樓酒社墨瀋淋漓入吳縣庠以異籍斥著見藝文

施燧字槁石居殷九圖幼敏慧生十四歲而孤卽代父授徒課諸生舉業無不心服爲博士弟子試輒冠軍聖祖南巡獻詩賦獲選雍正元年黃叔琳典試南闈燧置副榜深以爲憾後延至京

課其子著見藝文

金邁居鎮廩膳生通經工舉子業詩以劍南爲宗間作駢體典麗無俗調書學顏魯公又諳地理及岐黃家言康熙間擬嚶治六要一均浮賦二復廢學三督濬河四釐排年五嚴保甲六懲打降當事者嘉納其言將貢卒

劉赤字毅仍由嘉定遷居鎮博聞強識爲文力追先正詩亦豪邁與大場尹聘才名相埒康熙甲午薦而不售遂不復試無子撫外孫玉田繼其姓玉田本姓趙字英飛少稟異姿九歲日讀書百行爲文深刻雋永工書嘗鄙操觚家尋章摘句見聞不廣徧求異書日夕縱觀二十一史傳中人能縷縷數也家故貧而性廉潔除束修外有餽必絕之人不敢干以私子早夭撫孤孫甫

就學又殤改名石田以寓意又號一卷老人晚年嘗以勤學礪行勗後輩尤戒毋作綺語曰某少年以此獲戾也卒年七十八周永毅字廸士美鬚髯爲文洋洋灑灑與弟永甯字靜遠授徒講學辨諸說同異聞者歎服從弟覲光原名永燬字錫公與永毅有二難之目爲人敦厚周慎好引士類同邑印憲曾極器之從姪孫浩字希孟邑令趙酉創輯縣志與校訂之役入都貢成均參與一統志館纂修議叙未授職病歿京師

侯瑞隆字符五雍正四年舉人幼卽嗜學詩古文詞信筆直書不假雕飾而典贍可誦晚授宜興教諭未任卒

邱一甯字至元居邱家宅廩膳生兄弟三人皆負時譽一甯尤擅異姿爲文萬言不竭

沈秉鐸字策愚居鎮弱冠游庠乾隆戊午秋闈房考首薦主司惜其策語激烈竟見擯生平以提倡後學爲事門下皆知名士爲人恂恂儒雅學師陶應鯤顏其室曰粹然儒者

程光熙字原配居鎮增廣生精經學劉文清塘彭文勤元瑞視學江左並以海濱名宿稱之平生恥奔競行坐以禮口不作諧語而又和易近人嘗授徒上海侍郎凌如煥家滬瀆人士翕然從之

程芳銘字新三諸生苦志力學凡名物典章古今沿革必究其源流得失嘗改竄嚴衍學庸說多所糾正

陸襄字贊臣居殷十一圖諸生其地多楊柳自名楊柳村詩文並擅時譽尤喜填詞得姜白石遺意年甫三十卒

夏鼎名鯤南字天階居夏家塘廩膳生家貧嗜學肆力於文與人交尙氣誼年四十卒妻秦氏以烈著

嚴燦字星若居鎮諸生幼溺苦於學爲文不趨時尚詩法施閨章得其神似

盛大鏞字東序居鎮幼孤習計然術旋棄攻舉子業補諸生博覽書史折衷於學師章謙存與同邑沈學淵同里李成鳳友善因里志久乏善本身任纂修咨訪數載始成書尤好義舉里中崇善堂留嬰堂皆其所創建

李成鳳字望雲居鎮父大智字鑑明幼受業於從父保泰有文名成鳳少失怙恃家無餘資賴舌耕以養應州縣試皆第一補諸生旋食餼肆力於毛鄭箋註嘉慶二十一年省試登魁選由大

挑授教職未任卒子宗泌字鳴唐少孤家貧寄居大場西坍石橋沈姓婦家勤奮讀書克承父志與從兄休徵相切劘道光甲辰補諸生晚年研究醫理惟不自衒售人有求治者輒應手而愈

李休徵字彝訓居鎮後遷廣福廩膳生幼聰穎目數行下弱冠補諸生歲科試五冠全軍省試屢薦不售時論惜之性嗜酒醉後揮毫頃刻成篇尤工駢儷文

祝懷字子長生平學問淵涵性情骯髒有不可一世之概其倡和詩動輒百韻時人以怪目之

張泰字天山居鎮南橫宅性聰慧五六歲時書過目卽成誦及長隱於鄉曲專攻詩古文詞稿甚夥又纂註沈卽山集補訂東萊

博議以家貧未付梓

黃深字廣源國學生生平好學力行任卹里黨雖身寄市廛而繫情風雅無一點塵俗氣詩尙西崑體晚歲益加渾脫

朱綸字掌仙居鎮乾隆間學於上海華涇張氏與陸錫熊同筆硯游庠後歷試高等爲邑增生學使者屢刻其文多傳誦焉

葉蓁字肇周諸生自以質魯讀書用切實工夫於四書集註字字討論務求至當其文謹嚴有法

黃廷槐字嶽奇入金山衛庠博覽羣書雅好雜作善書宗二王時宗人有隙日書忍字粘貼壁間合族感化

卞濟字允明諸生少喜任俠閭里皆宗之旣壯折節讀書親炙於劉赤門下一變曩時朱郭之習生平慷慨好施吟詠盈篋

江灣里志

卷十一

文學

十

李士茂字師竹居燕毛灣早年攻苦力學工時藝道光己亥入邑庠試列高等補增廣生從孫景森字蔚霞諸生亦克承其家學侯勳字錫周居劍二十八圖諸生家饒於貲從沈秉鐸游下帷攻苦日事丹鉛文名鵲起乾隆己酉秋闈房師賞其匠心獨運薦而見抑中年辭世未竟所學

陳祖培字念培居鎮賚子國學生幼好學負時望長遊京師以父喪歸故人某開府楚中襪被往依詩名播沅湘間越兩載旋里杜門著述

趙安仁字枚谷國學生生平樂善舉嗜翰墨書法歐陽率更詩筆飄逸與同里嚴錫三張鍾秀相酬唱惜稿散佚館甥侯庚吉搜其遺牋不能成集

侯晉雲字星環祖桂芳字香浦多隱德寄籍上海補諸生父鼎英字振凡少有神童之譽受業同里進士李保泰年十三遊松郡庠旋食餼早卒時晉雲方十歲妻父周若河撫之成立歸里應童子試年十八入鄉校以咸豐五年貢成均性耿介不苟交遊杜門一編至老不倦

侯鴻誥字秋江晉雲弟諸生品行端方不苟言笑課徒嚴而有法道光季年由眞如遷居鎮里中後進多從之遊善隸兼精醫學卒於同治癸酉年七十九

吳灝字啟噩居鎮先世閩籍受業於舉人李成鳳諸生盛大鏞之門性穎悟工時藝道光壬辰補諸生里中後進多從之遊弟溥字經畚諸生博學多才涉獵經史試列優等補增廣生創建橋

梁急公好義兼通醫理星命堪輿之學惟性好談諧人無有能勝之者灝子繼華字縵卿道光戊申與從父溥同補諸生早卒溥子俊字百之從子貞字吉甫珊子樹生從孫序恒序銓序鼎序恩均諸生以文學世其家

王維楨字卓甫維清兄居鎮弱冠即汎覽羣籍能爲古文辭不趨時尚後患鼻淵遂不復應舉業閉門潛修究心根柢之學卽以心得授子兆泰樂天知命鄉里稱通德之門卒年八十有一兆泰字春水光緒癸巳舉人幼承庭訓讀書一目數行爲文不事沉思而暢茂雄健性和易淡於進取以一第終

嚴沐涵字彬士錫三從子恩貢生天資秀逸年十八補諸生二十二食餼後從南漚進士徐繼達遊學業益進歲科試七居優等

省試屢薦未售以明經終

嚴沐湘字嘯竹鑠長子歲貢生游庠後受業南漚進士徐繼達之門詞章之學益進歲科試屢高列應南北兩闈均不得志以明經終弟沐浚字明閣年十八補諸生省試屢薦未售光緒三十二年任蔡氏學堂教員積勞病故

嚴沐澧字文遷錫三季子年十九補諸生旋食餼歲科試屢高列甲午省試主司已入選以三場微疵被斥光緒三十一年創辦此江學堂建造校舍工未竟而病歿

民國

董昌馴字春蓀其先上元人遷居江灣從父琪入邑庠通今古文尤擅詞章自號醉蓬萊詞客任教職頗勤卒以身殉此江學校

江灣里志

卷十二

文學 德義

十二

昌馴性孝友聰慧過人遇事有膽略年二十虬江高等小學畢業後身任教職歷六校民國二年任西江學校校長尤銳意進行規畫井然四年添設女子部七年春合男女學生共二百餘人小學發達爲全邑冠歷屆視學者輒予贊許計前後得獎頗多而教育部四等獎章其最著也昌馴因生徒日衆校舍不敷爰發起建築不一載而集款達三千金以此積勞過甚病遂作臨歿時猶喃喃語校事不置年僅二十有九里人咸惜之

德義 者附義

明

李信二字行簡豪俠好義元季比歲凶荒捐金賑粟鄉里懷仁明太祖削平天下除抑豪右富民都遭遷徙信二以父貞一爲繡

衣獎薦給良民榜獲免子均瑞能繼父業嘗重修景德觀

李毓信二孫好學有文性慷慨樂施宣德間邑令建尊經閣地褊狹毓市田助之又塑顏曾思孟四大賢像舉鄉飲賓

張怡塘本姓沈世居浦東贅於里張姓爲婿張丹陽籍無後怡塘奉父命繼其姓富甲閭里樂行善事嘉靖間公舉鄉飲賓孫文緯字敏卿諸生家儲麥數百石盡出以貸凶年之無力者由是累世衣冠歷百餘年不絕

盛軫字師質喜行善事里中不戒於火延燒三十餘家又值儉歲軫按戶予金得以保全從父洪由進士歷官廣東邑令係洪所得士因公造廬軫託言遠出辭之人問其故曰我部民也而與職官往來不亦過乎其守禮循分多類此

邱菓字後溪居闕九三圖少嗜學遭倭亂棄舉業精醫不取償於貧乏嘗路拾遺金守至夜分其人哭而來詢之則縣令所遺幹辦者也舉以還之年逾六十始生子

沈繼樓居鎮好施與邑有公事慨然任之萬歷中僉大戶解運兩董其役費累千金應天巡撫檄縣獎之孫仲闔字企陶穎敏嗜學明季與周復生詩酒往還以終

嚴貞亮字孟公居結一圖性寬厚里有盜其羊者僕得之以告曰豈無類吾家羊者乎又盜其粟見之輒避恣所取時從弟貞度方第進士家門煊赫而貞亮泊如也一日遣奴索債於商與商鬥斃焉貞亮曰奴無狀自取死耳置不問

葛桓字良弼居鎮諸生妻父沈御史聲望赫奕桓讀書自好絕不

介懷凡鄰里以危急告不惜傾貲應也里稱長者

清

侯廷祥字永章膂力過人國初游兵過里荼毒居民廷祥遇有恃酒行凶者撻諸市兵不敢滋橫子榮字聖約負意氣有節概孫瑞隆見文學

徐豫章居鎮生於明季讀書不求科舉甲申後務本致富喜扶危濟困子宏訓字伊文國學生嘗首請當事立碑永禁脚夫擾橫之害商賈賴之

吳永禮字繼周原籍閩人謹愿樂善善邑令傅景奕獎以耆善堪風區額今鎮西吳氏子孫繁衍卽其裔也

盛同賢字名卿篤內行好讀書從弟同德中武魁同賢於逆旅作

江灣里志

卷十一

德義

十四

書曰朱家郭解之徒儒者猶弗屑道今之豪俠恐更不能希蹤朱郭也人以為規弟亦以諷里之負勢者

張嘉旦字尚功康熙初由吳庠武生投撫標營授職任巡捕急公好義排難解紛撫孤恤寡然諾不苟凡建立祠堂等義舉皆首創之

黃鐘字大聲樂善好施邑令趙向奎給匾獎之

凌鏗字天聲居鎮乾隆二十年歲荒當事諭設廠發米鏗以賑多遺漏每日賑畢後另煮粥以補給之活人無算邑令李元奮奉制府檄給樂善不倦匾額後舉鄉飲賓

李圻維煌子字樸哉少業園園器識才幹偉如也遇里有公事悉心經畫犂然就理念父潛德未彰建坊崇祠與弟堂白首奉母

色養融怡尤克承先志

侯士英字芳林居劍二十八圖國學生貌雄偉有幹務農致富甲於一鄉乾隆甲寅奇荒當事諭勸捐義賑自乙亥舉行之後隔越四十餘年咸惶然束手無策士英獨先應命辦理井然賴以歲事當事爲之優獎

王瑚字禹美樂善好義所居江灣之蒲溪不通大河時虞旱潦瑚捐百金買田疏鑿資灌溉一方賴之年八十一卒

陳賚字大周服買起家雍正壬子潮災積屍海濱賚獨力捐棺買地置義塚瘞之乾隆丁卯又災捐掩如前事上奉旨獎給八品銜

王寮字成裕性樂善好施雍正十年潮災曾與同里陳賚凌鏗陳

格言戴起鳳等收埋屍棺並捐資助賑

嚴炳字丹林承父遺業式廓堂構性爽口直居心仁厚乾隆甲寅歲荒勸捐炳捐貲獨多與刁錫琳二人爲江灣冠邑令唐作梅給德惟主善額獎之又曾任開濬瀏河鉅工董事邑令田鈞以樂善好施爲之申詳上官

嚴堡字視南居鎮國學生性孝友兄城早卒嫂王氏守節堡爲請旌建坊邑中海塘荒賑河工諸大事身任其勞首先倡率子鏞字惺甫能承父志有耆舊風

屠世勳字建侯國學生其先由邑城徙鎮有膽略凡濬河賑務諸役皆捐資經理嘉慶間嘉紳秦溯萱屬辦留嬰堂公局事世勳墊資建堂並設法募集經費收嬰哺送子守元字策山國學生

道光三年捐賑出力亦多

陸熙字文藻國學生由婁縣遷居鎮爲人篤友愛輕財重義嘉慶甲戌旱荒傾囊助賑活者甚衆凡浚渠成梁平路以及矜寡卹孤諸善舉靡不踴躍任之與屠世勳名相埒

程祚修字憲章國學生家貧服賈仍手不釋卷與劉玉田陳祖培爲詩酒交所居廬舍轉入他姓子志業字君佐習賈起家清償宿債得復故居益誠心好善見江灣河道東北入海三年兩浚民力不堪遂與嚴堡議浚沙涇首捐資銀千兩農商咸利賴之李華鳳字翼文累世良醫家無餘蓄以服賈得致富道光己酉歲稔捐米百石獎給議叙八品孫敬身字恭甫鹽知事銜光緒元年委辦月浦北薛家灘海塘任勞任怨克盡心力

江灣里志

卷十一

德義

十六

趙嘉麟字忠海居殷四圖母楊氏守節嘉麟七齡而孤母楊氏延師課讀教以端方嘗曰汝先世皆敦古行清初至今有田二十畝未嘗損益卽此可見嘉麟恪遵母訓不敢少踰平生好惜字而探訪節孝爲尤篤邑中魚鱗冊因年久漫滅居多編造殷四闕九三兩圖田形冊後人慮有越畔者輒資以查考

王維清字仲熙文生居鎮父諤議叙八品維清幼承父志好施予戚友有急難必竭力周旋咸豐三年秋土匪據上海力行團練市肆得以安堵後以克復嘉定太倉城功選授新陽訓導抵任踰月病卒嗣子兆同字春門師範畢業曾爲本鄉教員

張憲章居談家木橋家甚殷實而秉性樸厚樂善好施遇修葺橋路輒捐田畝爲公產以充費用於老閘建義渡並造等渡庵以

避風雨子書紳字硯香克承父志遇歲歉助賑議叙光祿寺署正銜同治元年西來難民雲集書紳創捐在天通庵設廠施粥全活甚衆旋以洋商建橋於老閘義渡既廢乃將等渡庵地基變賣造文昌閣於穿虹浜設立惜字公局凡地方善舉無役不從歲乙亥襄辦海塘積勞身故輿論惜之

李心陶字志唐居印家街輕財重義有任俠氣同治初羅店諸生陸傳經及子淞來避亂居滬閘相繼病歿貧無以殮心陶爲摒擋營治并歸其喪遺孫元桐尙在穉年又爲代謀教養後亦成諸生凡地方義舉力所能逮者無不首先提創務底於成終其身樂善不懈

蔣寶玉字茂之原籍常州幼攻舉業試輒左納捐國學庚申避寇

江北由滬至里遂家焉秉性剛直與鄉先哲相契成莫逆交尤好引掖後進精醫理貧病則施之凡里中義舉均竭力贊襄子廷恩入武進學

侯應珏字杏生居劍二十八圖布理問銜家夙殷富凡地方一切義舉輒樂捐輸爲一鄉領袖性風雅嘗合繪鵝溪十景圖徧徵名人題詠

侯鎮字廉石諸生居侯家木橋家素饒裕鎮克承舊業儉以自奉而施予不吝鵝艫浦淤塞已久田常苦旱創議濬復利賴甚溥待人一以仁厚爲本故鄉里多稱道之從弟兆麀子鵠從子永芬均諸生有聲於庠

周企澄字霞襄居鎮諸生凡襄辦善堂事務及浚河事宜均能任

勞怨

陸宿海字星發性孝友幼習計然術中年後專心善舉凡里中橋梁道路溝渠等工均竭力從事至老弗衰尤邃於易義問吉凶者日造其門江灣鎮志係其外祖盛大鏞所修輯恐日久散佚重錄之三閱寒暑乃竣卒年八十

張鈺字子繁國學生光緒間改建里門修造橋路創修寺院均能急公好義

沈曰桂字薇祥居劍二十八圖力田孝悌漸致小康性勤慎嘗從侯鎮等兩次濬鵝鰲浦他如長漕殷家浜樓家灣等支河率其弟喬松禎祥集里人合濬者凡三次農田水利賴以不廢廟宇橋路亦恒出資修造之

蔡鍾駿字小香兆芝子諸生家固世醫至鍾駿業益昌大歲以餘貲濟施癘困始終罔懈凡艱鉅之義舉恒創捐獨任光緒興學之初江灣尙無校舍鍾駿適建家祠慨然促成借設蒙學三年乃併入他校又念培材以師範爲急同時就上海設立專科畢業者再他如競業精武南洋新公學等校均輸財助之嘗立醫學會合國內名醫徵課刊報又創中國醫院蘇撫程嘉其勇於爲善加筭延任逾年積勞而卒

民國

陸顯周字春如洪疇子由鎮東陸家角遷居東鎮幼習舉業光緒壬辰補諸生性急公好義宣統庚戌地方自治機關成立被選爲鄉董迨自治取消縣知事茹慶琛復委任爲經董先後歷十

年凡興學浚河修造橋路恤癯禁煙諸公益無不實心規畫勞怨弗辭又獨力創建家祠尤篤於一本親親之誼人咸稱之卒年五十六

義耆

清

周愛溪佚其名居鎮生於明隆慶元年沒於康熙丙寅享年一百有二十其裔孫銓字掌衡乾隆時入孝悌力田仁厚好善年八十曾受國恩夫婦同齒

盛永元字崑玉敦崇古道壽逾耄耄順治十五年邑令宋爾瑜徵集邑之年高德邵者計四十人合三千歲設讌公堂延佐貳紳士陪之各詢家世并考前朝沿革故事屬掾吏記之永元與焉

江灣里志

卷十一

德義

十九

卒年九十一

嚴漢千飲賓彬之父也敦古處享遐齡時黃堡授經里中慎交游極推崇之嘗賦詩爲壽有惟君無過亦知非之句

周芳植居殷五圖循分樂善人稱長者邑令傅景奔給以匾曰耆善可風年七十有奇

邱令儀字嘉範居闕九三圖作苦嗜學爲詩凜雪性靈家亦日振以敦睦著年七十餘

龔文選字晉書原籍邵武清初由嚶城遷鎮服疇肯構樂於行善年七十有四子雲會字天彩國學生嘗與請浚走馬塘事亦年高而卒

沈珍字程遠居雨二十六圖勤儉質樸耕讀自娛年九旬矍鑠異

常聞純廟南巡遂挈孫永嘉上省接駕蒙賜黃馬褂并白金十
二兩歸行善益力又十餘年卒邑令彭元以昇平人瑞詳憲請
旌乾隆五十七年建坊其楹聯云五代一堂綿厚澤百齡三載
沐洪恩子大壽事父亦仁孝

宋文在字成九居鎮南負販力田敦厚率真嘗創修俞涇社廟乾
隆間逢國慶得賚粟帛年八十有八

唐仁靜字樂三居鎮能辨字母文社亟稱之爲人亦攝生好善逢
國慶得賚粟帛年八十有六

盛克文字繩武服賈養親言行謹飭歲災輒樂助賑又體祖志重
修井亭以憩行旅逢國慶得賚粟帛年八十有六

邱大中字佑王其先由大場徙鎮貿易立業襟度寬和樂襄善舉

里稱長者年七十餘

張昌祖字家玉循分立業居心慈愛年八十有奇嘉慶元年受恩
卹孫士顯士榮皆補武學生

嚴玉成字贊屏性謙恭雖樵夫牧豎必以禮遇之人皆奉爲老成
典型與闕號壽民奚聖昌友善年近八旬嘉慶元年受恩卹

嚴嶧南字步青居結一圖讀書自好有隱者風與族弟世型耕讀
自娛工於吟詠李夢晉贈句云海濱藜火留殘照江上羊裘賸
後身營造渡船於吳淞老閘以濟行人年八旬嘉慶初並受恩

卹

金洵仁字永章居鎮以貿易治生嫻吟詠恒與嚴說巖相唱和嘉
定丙寅歲歉輸資助賑命長子灝董其事年七十有奇

山鐘鳴字玉峯其先由上海徙此古貌修髯以瘍醫濟世嘉慶元年受恩卹年八十有四孫孝先字景韶博學能文曾修錄鎮志李仁字育萬圻子國學生性喜讀書尊師重傅弗替父風尤工筆劄卒年八十有六

吳滙源字宗海永禮孫勤儉立業敦宗睦婣凡有急難肩任不辭道光三年捐賑尤出力年七十有一兄崑發年八十餘卒

趙錫瓚字韓侯居殷四圖宅邊徧栽梅竹瀟灑自娛與俞友文徐永章稱爲三老年皆八十有奇

沈光裕居雨二十六圖幼習舉業不售遂棄去平生敦尚古道耕讀自安咸豐丙辰年八十有四夫婦同月而卒

談耀文居結十四圖爲人敦厚年八十四五世相見從子士榮曾

江灣里志

卷十二

德義 隱逸

二十一

與道光己酉賑捐事卒年九十有五

張炳文字崑源飲賓怡堂之後守分安貧口不言人過咸豐辛酉充團局司事殉粵氛之難年七十有六子鍾秀見孝友

王詔字古槎丰神秀逸舉止春容雖年逾八旬而從公踴躍絕不推諉他人咸同間粵氛警擾籌畫防堵獨任賢勞以功議叙五品銜兄詠字小雲亦年逾八旬而卒

民國

周翹居東鎮殷五圖爲人忠厚務農事接物悉出以誠無疾而卒談九皋字鶴天居殷四圖秉性仁厚舉止春容尤好陰行善事不令人知卒年八十一

隱逸

明

周詩字復生居鎮父位欽以解運白糧破其家詩自幼食貧嗜學性尤落拓鼎革後棄去舉業杜門不出於宅後種梅百株日嘯詠其下人比之劉遺民

清

程大績字虞三居鎮皖籍弱冠游庠名噪一時屢入棘闈不售遂屏跡場屋嘯傲煙霞有終焉之志

嚴岷字山民好吟詠不治生產以隱德稱著見文藝

藝術

明

李士鵬字應禎太醫院吏目十歲失怙遵兄士龍之教通岐黃書

江灣里志

卷十一

隱逸

藝術

二十二

著審脈贅言見藝文

清

李繼隆字持盈原籍新安遷居西鎮善治奇病有神效子維界字大川能繼父業嘉邑令馮聯芳給匾獎之孫容照曾孫師黃皆以醫術鳴

祝夢麟字雙石居鎮精醫理方脈貧者求治不取分文始終應之無倦

童沛霖居鎮康熙間以人工畫梅鵲人爭購之呼爲童梅鵲

金蘊字承九居鎮工畫山水

祝恪字子厚愷弟畫山水有大癡筆意

汪謙益字可受居鎮康熙間以能書名

張雲龍字元會精習小兒科有聲於時子鵬翼字培風孫其綱字紫音均能詩善醫

盛璨字涓珍少習舉業工詩能書好法帖篆刻善辨名人墨蹟尤精詞曲律呂之學

程秉鉞字佐王居鎮寄興丹青與畫師蘇眉山友善習工筆人頗珍之

葛師旦字匡周精篆刻有印譜見藝文

王宸字三雲居鎮南諸生工眼科尤善用鍼積年障翳應手立驗金德柱字洪肩長身修爪少嗜拳勇得秦州徐鈞甫傳授緇流劍客過其門者悉拜下風晚年深居靜養治傷科教其子曰習拳武藝不足效習醫可保身保家兼保一方

江灣里志

卷十二

藝術

二十三

凌雲志鏗子字逸上國學生刻苦習醫竟工其術就診盈座靡不樂施邑令胡仁濟給義風足尙額獎之

程振業字廷華國學生嘗學書於盛璞齋臨摩宋帖得米家神髓幕游粵東後入籍上海

葛孚章自號西邨主人喜栽花木樹椿亦翦裁有法得朱三松遺意

徐椿字大年居鎮南諸生善行草書體在張旭懷素間酣飲揮毫尤見飛舞其徒盛軫頗似之

印鵬字漢飛居鎮國學生工瘍醫得製藥秘法遇奇怪症應手輒效

徐惠元乾隆間由上海遷居東鎮得秘方善治小兒雜症子萬雄

俗呼小徐承其業曾孫洪範字肇基隨父茂德北游洛陽視病
決生死無不驗者用藥善變通道光間常客滬上蘇州府知府
平公翰給得心應手額獎之

姚涵春字芳谷居劍二十八圖少習舉業能詩中年專攻痘科能
指掌回春傳至孫夢熊字希望諸生益精其業

程士棻字紹德居鎮家傳騎射法補武學生喜讀韜畧春秋國策
等書不專恃弓箭技勇馮建功見而奇之稱爲有古名將風武
魁蔡心誠須鳳岡均出其門

李杜詩字史才習丹青篆隸尤善以鐵筆鐫石蒼古有致

詹昱字曜天皖籍由吳縣遷至鎮博覽方書存心利濟嘉慶間創
設留嬰公局昱悉心經理子雲字啟楓承其醫業亦有名於時

黃庭階字端士素性嗜酒初學書不成業師劉玉田責之庭階登
樓二十年寒暑不輟乃徹悟閣帖筆意書法特工作擘窠大字
醉後更蒼老

張文湛字春帆少卽究心六書正譌長益博覽羣籍以篆刻名松
江巨室張姓延至其家摹商周鐘鼎及秦漢銅印功益進旋入
浙藩幕以軍功保五品銜中書科中書

刁維熊字瞻祥能詩善曲兼繪人物花鳥工緻獨擅年八十餘卒
子朝均字守孫孫顯良字復心均以山水名

馬應良字少眉性慈祥精醫術授徒里中暇則以醫行世自少至
老數里內恒踵病者門不乘車故婦孺羣呼爲馬活佛

徐鼎生字問梅居東鎮武生狀貌魁梧膂力過人屢應省試不得

志援例捐都司銜世業幼科人有求治者輒門庭如市

侯履安字達卿居劍二十八圖少從侯晉雲游書學顏魯公日摹數百字得其神似應童試不利由國學生候選鹽場大使性慷慨人咸以遠到期之惜早卒未展其才

陳其器字硯田居鎮議叙八品銜幼眇一目性靈敏善畫尤工白菜求者甚衆罔不應生平好高潔雖處市廛所交皆儒雅不屑與俗人伍

張振祥字琛伯國學生性孝友業醫善施刀鍼病者不覺痛苦子大昌字文奎監生歷從名師遊工書邃醫學兼內外科亦有聲於時

蔡兆芝字硯香諸生其先世業女科自大場遷江灣至兆芝名益著兼治內外科雜症亦應手奏效署令陳玉斌贈功同良相額子鍾鳳字儀笙能紹父業以專科知名於時鍾駿見德義

民國

馬秉義字逢伯承父應良醫術又得天樂寺僧泮文祕傳鍼科療治喉痧輒應手而愈以是求治者日益衆後遷居滬北門庭如市達官顯宦咸器重之輒贈欲爲之表揚焉卒年六十八

游寓

宋

吳惟信字仲孚湖州人屢游鎮中以詩鳴時邑中有糜先生者不輕許可獨盛稱之所著有菊潭集

明

龔錫爵字汝修同邑人爲諸生時嘗館鎮西南張氏萬歷甲戌進士官至廣西布政司有惠政晚歸林下優游著述學者稱爲石巖先生

王道通字晉卿羅店人天才卓越學於嚴氏與衍爲硯友著有簡平子集

楊芝字友蘭上海人以敗筆寫生鬚眉畢肖如出仙授寓里中文昌閣懸手繪洞仙八幅每夜舉觴對飲一日他出被人探鑰竊去芝歸慟哭束裝不知所終後傳其仙去今閣下猶存醉仙遺蹟

(朱繼猗題醉仙遺蹟)小隱曾將姓氏傳天真爛漫卽神仙狂留戲墨壺中樂醉倒春風花下眠但是忘機皆近道偶來玩世不識錢曲江混跡無百年

江灣里志 卷十一 游寓 一二十六

歸莊字元恭崑山人有光曾孫工書嗜酒瓶常纍纍筆硯間甲申後謝儒冠往來海濱嘗訪菊里中金姓家醉後作摩窠大字今景德觀猶存帝出乎震四字題額莊性介有富商以厚幣丐作堂記莊不爲禮斥之去

傅廷彝字巖夫籍貫無考寓里中善書著有草法通考瞿然恭字欽哉青浦諸生能詩以善書名喜與方外交嘗寓保華僧舍有平原山人集皆東游時所作

清

盛符升字珍示崑山人康熙甲辰進士官御史少時授經里中盛默庵家至今猶藏其手迹小場廟明德惟馨四字額卽其所書也

俞嘉客字韋示浙江慈溪人初寓白鶴江授徒張氏旋移家鎮中
性至孝少卽以詩名時陸清獻歸當湖贈詩盈篋惟嘉客有有
官貧過無官日去任榮逾到任時句一時推爲壓卷著有三申
草堂詩鶴湖雜說

彭謙預字叔大浙江人作潑墨山水深得石田筆意嘗寓里中徐
敷文家

徐光鼎字九侯邑增生係吳淞勳衛之後館金氏南園先後十數
年與里中時輩詩酒酬和稱盛一時

黃埒字雲沼淳耀子由嚳城移居邑之涓浦濱性介特不苟取與
工書善詩及篆刻自號拜石道人嘗館里中嚴氏

陶南望字遜亭上海人詩文皆清超拔俗書宗顏柳尤善行草嘗

葺草韻彙編其遊江灣也慕里中盛氏家藏張東海墨跡款門
索觀雙鉤補入編中未成而歿子錕續成之里中耆舊助刊行
世

金佩字相玉鎮洋人以善畫名嘗客陳氏涉成園中所繪人物花
鳥秀麗工雅一時無偶

錢思本字懷嚴青浦人落魄至里託身藥肆中師事沈東岡徐曉
山刻意吟詠著有莪洲詩草李邃庵爲之點定今子孫居楊柳
村

李保泰字邃庵又號齋生大場胡家莊人李琴溪延主西席授經
保桂堂剞輯里志後登進士教授揚州致仕後移家鹿城以終
潘光邵字西江羅店人客里中四十年繪人物山水俱臻能品尤

工篆隸時作小詩好飲自放俗多以怪僻目之

陸辨字狷亭青浦諸生父名惇宗以孝廉官閩令隨任司筆札工詩善書嘗授徒里中二載

張立松初名雲駿字孟如邑武生好論韜略遨遊公卿間繪墨色山水松柏一空依傍中年得奇禍遁閩粵間自號夢餘畫益工汪稼門阮雲臺輩多賞之晚歸嘗下榻里中僧舍恒與酒人詞客縱談游覽爲樂

郁春藻字挾儒嘉定諸生與沈蔚堂暨彭浦周笠山甘漢範里中詹丹貽盛硯巢諸前輩集詩文社論治心性工夫刊閑存錄善書分送

王森沅字月邨上海諸生道光初授徒里中王堅家二載與吳啟

鹽詩酒唱酬有引溪八景之作和者甚衆

富生字香吏諸生浙江海鹽人天資穎異過目不忘經史以外各種叢書靡不瀏覽精究地理及六壬奇門之學占驗往往奇中道光初至鎮里中紳富延請擇穴者甚衆時來時去約二十年咸豐初徧游公卿間蘇撫徐有壬尤爲賞識留之署中咸豐十一年復至鎮同治四年去時年已七旬遂不復來其人面貌古怪冬夏常赤脚故人稱爲赤脚地仙

施錫衛字穉蓮嘉定人舉人豫子早年游庠食餼品端學優爲士林所矜式著述甚富詩學尤逼近名家同治二年羅店紳士李如緯居鎮延錫衛課其子遂挈家居焉里中後進多從之游甲子舉於鄉乙丑聯捷成進士以知縣用分發福建因母老告近

改省安徽歸田後買宅居南翔同治甲子正月嘗偕友人探梅
鎮東周氏廢園有句云人經兵燹剛腸在樹過冰霜笑面開即
於是年登第人謂爲詩識

洪兆甲字枚卿增廣生眞如人幼承母教七歲能詩歲科試時列
優等及門之盛與侯錫恩相埒鎮紳吳湘煌嘗延至家課其子
姪

沈顯曾字子揚邑增生世承醫業曾僑寓里中工詞賦應試輒高
列而未食餼輿論惜之

鄒運成字月圃新陽蓬萊鎮人十六歲游庠因避寇授徒於里中
與沈顯曾僑隣交最契亦以增生終

周成棟字逸新崑山人避難至鎮孑然一身祝髮於淨智堂不誦

江灣里志

卷十一

遊寓

方外

二十九

經典作詩文爲課亂平還鄉卒成諸生

方外

晉

智光東京大相國寺僧所謂龍樹法師也杖錫至里瓶募建寺爲
保甯禪寺開山之祖

元

嬾堂南法師本大場沈氏子童稚不羣祝髮進具嘗秉學天台戒
行精嚴叟迹自晦至元中沈氏改法界院爲寺迎歸開堂以老
惟正至正間住持保甯教寺僧俗敬信時寺久不葺惟正矢志募
修佈施雲集遂復舊觀

明

懷瑾字如圭有詩名永樂間爲本府僧綱司副都綱大吏薦舉入都與修永樂大典同時曇曠號日庵並與修釋典歸卒於保寧寺著有金臺詩稿

道存號性中居崑福寺預纂三藏法教賜紫衣

清

證源字墨泉鎮西徐氏子祝髮自臻堂善梅竹字亦道勁邑令韓錫胙甚器重之年八十餘趺坐而化著有一峯吟稿

嘉禾字玉田自幼削髮於自臻堂性慈悲好施與有求必應受戒律於杭州昭慶寺座禪關於上海龍華寺中歲益喜雲游九華天台足跡屢到道光初又爲武陵龍泉寺方丈晚歸預刻死期宴坐而寂其龕在寺西北隅

江灣里志

卷十一

方外

三十

泮文天樂寺僧書宗懷素兼擅鍼科與醫士馬應良以神技濟世爲時所稱

清禪張家白牆張氏子自幼祝髮於保寧寺見善能徙制行極高念寺溝淤塞鎮北有稻田數百畝灌溉失時潛捐金開浚俾與市河通潮汐其生平行善類如此

嚴和育字懶雲初游靈隱訪濟顛道法繼游穹窿龍虎等山悟黃牙白雲之旨治妖頗靈異壬寅避難里中衛生殿賣卜施符閱六七年而歿其道傳於景德觀張夢騫

然達本普陀山僧勤修梵行光緒庚寅至里值天樂寺圯毀然達整理寺基贖回田產開堂說法鳴板募建佛閣正殿工未竣忽雲游西南坐南潯鎮禪關而圓寂其徒迎柩至天樂卽焚化其

身龕在禪堂後

列女一節

明

施氏諸生戴高妻

居股九夫亡截髮毀容撫孤守節舅戴靖死於兵氏

清

沈氏金士炎妻

里居無考年二十三夫亡遺孤變甫一歲撫養成立氏年九十學使李給匾獎之

信侯妻

居鎮氏年二十四夫亡守節四十年張氏程某妻又殤守節三十八年遺孤

程氏岳維則妻

氏年二十九夫亡家貧無子守節五十年周氏張芝妻氏年二十二夫

節以養衰翁守節四十餘年

嚴氏奚元宏妻

鄉賢衍之孫女二十一夫亡守節五十餘年沈氏侯世

延妻

氏年二十四夫亡守節至九十有四而卒夏氏陳廣廷妻居股十夫亡撫子雲傑教養

江灣里志

卷十二

列女一

三十一

成立守節五十七年

范氏嚴世翼妻

居結一圖乾隆七年吳氏夏宗煥妻居兩十五

二夫亡守節九年

施氏宗書城妻

居雨二十九夫亡守節四十三年乾隆初旌王氏李

天錫妻

氏年二十四夫亡守節至七十餘歲陳氏周儒五妻居鎮年二十三夫嚴

氏張瀛洲妻徐氏張令貽妻

嚴氏年二十四夫亡無子嗣姪令貽守節二十四年徐氏年二十六夫亡

撫孤守節三十八年

談氏夏日來妻

居夏家塘氏年二十三夫亡撫孤守節四十餘年周氏金鼎妻

守節終年四十六

徐氏董世英妻

居長齋茹苦以終乾隆間題旌

坊建金氏李維烜妻

居鎮氏年二十九夫亡撫孤守節終年七十二部給清標形管額陳氏葛鼎

葬妾

氏年二十九夫亡葛氏李公選妻氏年二十五夫亡祝氏周

之翰妻徐氏國瑞妻

祝氏年二十四夫亡撫孤守節卒年四十六徐氏而國

苦守勵志邑侯唐獎雙節而可風

張氏邱公甫妻

居闕九夫三圖氏而國

匾額姑媳享壽均七十餘而可風

張氏金濤妻

居鎮年二十二夫亡守節三十二年潘憲

葬婚嫁如禮苦守四十餘年

張氏金濤妻

居鎮年二十二夫亡守節三十二年潘憲

給匾周氏葛鳳翔妻 其兩世喪葬卒年五十三 丁氏趙純修妻 居
獎之圖氏年二十八夫亡 郭氏趙思宗妻 居俞塘灣氏年二十八夫
撫孤守節三十餘年 邱氏張爾淳妻 居鎮氏年二十四
黃氏

陳氏姚瑞昇妻 居劍二十八圖夫亡守節府廳張給 譚氏侯泰交
妻 居同上學政張 張氏奉祀生嚴和生妻 居結一圖夫亡守
黃氏

楊漢臣妻 居結十四圖夫亡守 邱氏張爾淳妻 居鎮氏年二十四
夫亡遺孤霖僅三

君美妻 居殿十圖氏年二十八 趙氏沈廷沛妻 居鎮氏年二十三
夫亡撫孤守志以終 程氏蘇勳來妻 撫周歲孤守

金氏王斐書妻 氏年二十六夫亡撫遺腹 秦氏王宮妻徐氏宏妻
氏妯娌二人皆年未三 李氏刁錫錡妻 苦守二十五夫亡 沈氏黃

載恒妻 遺孤守節二十九夫亡奉庶姑撫 陳氏監生周若錦妻 資女嫁
氏妯娌二人皆年未三 李氏刁錫錡妻 苦守二十五夫亡 沈氏黃

江灣里志

卷十二

列女一

三十二

七月而寡無子與姒朱氏同 屈氏陸士璵妻 居殿四圖氏年二十六
撫姪為嗣卒年八十有四

張氏談日璋妻 孤苦守二十九夫亡撫 程氏嚴重義妻 氏年二十
月夫亡守節 程氏陳育萬妻 撫孤守節四十年 楊氏周廷球妻 年

孤守節以終 周氏戴兆文妻 撫養擇配守節以終 張氏侯聖
功妻 居劍二十八圖氏年未三 題旌建坊 毛氏飲賓凌鑑妾 九夫年二十
節四十四年學師姚 奚氏沈廷澤妻 翁姑克盡孝道守節以終 奉

盛氏凌有懷妻 氏年未三十夫亡無子撫姪家聲 陸氏生員李大義妻 七于歸
妻 嗣之旋又死攜孤孫卒年六十五 陸氏生員李大義妻 七于歸

季氏唐允嘉妻 氏年二十三夫亡家貧 徐氏封彥生妻
十七守節五 季氏唐允嘉妻 撫女守節終年五十五 徐氏封彥生妻

張氏監生李石麟妻 學政廖獎芬 朱
六學政彭獎柏節松齡額 張氏監生李石麟妻 揚荻筆額 朱

氏陳氏布理李大智妾二氏均年未三十夫亡朱撫孤成范氏沈

君佩妻氏年二十一夫亡終年七十盛氏汪茂廷妻夫亡終年五

四嚴氏黃德紹妻氏年二十九夫亡終年四十九吳氏周家聲妻氏年二十七夫

趙氏呂星源妻氏終年五十七夫曹氏盧運通妻居殷四圖氏年六

十黃氏邱秀章妻氏年七十五夫亡撫孤成立卒瞿氏黃德南妻

居殷十圖氏年二十王氏嚴永南妻氏年十七于歸十八夫亡撫

九夫亡守節四十年縣評憲題旌戊戌年儒學章移朱氏庠生侯勳繼妻居劍二圖夫

亡守節二十一年道黃氏嚴頌岡妻氏結褵四十三日而夫何氏

光十七年題旌建坊陳顯斌妻居雨二十六圖氏年二十九夫亡遺孤僅周氏俞仲章

妻氏年十九夫亡徐氏瞿法觀妻居殷十一圖氏年二十三夫亡

卒顧氏龔某妻居劍三十五圖氏年二十刁氏陳泰初妻氏年二十六夫

江灣里志 卷十一 列女一 三十三

亡守節十五年蔡氏朱廷珍妻耕織後孤子殤遂自經死黃氏生員程

祚錦妻氏年三十七夫亡全氏姚景全妻氏年二十六夫病癩出外

息守節二繆氏屠守元妾守節三十五年夫亡趙氏吳猷煌妻氏年三十

夫亡守節二茅氏程洪遠妻孤成立卒年七十戴氏儒童吳敦煌

妻氏年二十六夫亡撫孤程氏金煥章妻徐氏談克家妻二氏夫

俱三十宋氏黃成甫妻孤成立守節六十年陳氏姚廷善妻居三

圖守節二陳氏陸世昌妻居鎮氏年二十陳氏姚廷善妻九三

氏瞿潤周妻居劍二十八圖氏年二十吳氏侯小弟妻二

十五夫亡無子撫蘇氏文生吳繼華妻居鎮氏年二十八夫亡孫

二女守節以終氏沈士元妻居雨二十九圖氏年二十四于歸合時夫已病亟

力勸始止母亦早趙氏陳佛德妻居闕五圖氏年同治七年學憲童

獎曰內 許氏趙芭生妻 氏年二 守節八 夫終 撫 王 氏 趙 揆 生 妻 居 四 股
 則克嫻 許氏趙芭生妻 氏年二 守節八 夫終 撫 王 氏 趙 揆 生 妻 居 四 股
 氏年二 守節八 夫終 撫 王 氏 趙 揆 生 妻 居 四 股
 亡守節以終 夫 陳氏錢昌言妾 生居一 結女夫 亡守節以終 夫 王 氏 趙 揆 生 妻 居 四 股
 朝均妻 賴以事蓄苦節終身卒年六 甯氏諸生凌以恕妻 十
 七歲夫故守節撫 張氏許鶴皋妻 年三十 夫 卞氏封嘉楨妻 夫故守節
 孤卒年六十八 協妻 節不移撫孤成立卒年六十一 志 矢 卒 五十八 孤 張氏楊協
 撫孤卒年 唐氏國學生汪光沛妾 守節三十 年而寡 志 胡氏吳炳賢
 五十五 妻 二十四歲夫故守 陸氏文童王兆升妻 節二十六 歲夫故守 張氏
 妻 節卒年六十二 嗣孝事舅姑卒年五 撫姪為 奚氏丁炳銓妻 歲夫故
 文童周晉揚妻 三十歲夫故守節撫 姪為 奚氏丁炳銓妻 歲夫故
 守節撫孤卒 任氏凌樹書妻 撫孤卒 年六十八 守節 孟氏李洪道妻
 年六十三 夫故守 張氏周祝齡妻 節卒年四 夫故守
 節撫孤卒年八十 節婦 以上已故

江灣里志

卷十一

列女一

三十四

李氏印富林妻 二十八歲夫故守節 王氏印金榮妻 二十五歲夫
 為嗣現年 金氏談老坤妻 二十四歲夫故守節 徐氏何咸寶妻 二十二歲
 五十八 侯氏李全全妻 三十歲夫故守節 陳氏楊秀秀妻 三十
 現年五十七 歲夫故守節撫成 黃氏趙吉寶妻 二十四歲夫故守
 子女現年六十六 劉氏印根榮妻 二十四歲夫故守節 談氏徐同生
 妻 三十歲夫故守節 撫孤現年六十六 節撫孤現年六十八
 香妻 年十八于歸未一載而寡茹苦矢 張氏秦妙妙妻 十八歲夫故守
 年十八于歸未一載而寡茹苦矢 張氏秦妙妙妻 十八歲夫故守
 節撫姪鶴臯成立現年五十一 全氏黃煥榮妻 二十四歲夫故守
 鄭氏文童吳第妻 十九歲夫故守 高氏王德昌妻 二十九歲夫
 七 唐氏徐海松妻 二十三歲夫故守 徐氏蘇桂生妻 二十三歲
 五 徐氏印全全妻 二十三歲夫故守 李氏嚴春廷
 六 孤現年 陸氏嚴沐潞妾 三十歲夫故守 節撫之成立現年六十六
 七 撫孤現年 陸氏嚴沐潞妾 三十歲夫故守 節撫之成立現年六十六

妻節現年九歲夫故守楊氏張書紳妾三十歲書紳病故矢沈氏沈
雨生妻姪為嗣現年五十二王氏諸生侯兆慶妻守節現年六十五歲夫故
八甘氏卞江全妻年三十夫亡撫二歲徐氏張元鼎妻夫亡守節
撫姪為子現年五十七
以上現存節婦

列女二烈

明

嚴氏俞有美妻居鎮諸生光弼女夫亡不徐氏嚴聖始妻居結一

十二夫亡無子舅姑方在殯家徒乘亂為不逞縱火焚掠氏以身蔽
護其柩日貲可規頭可斷柩不可焚也奴縛投烈燄中火隨滅無恙
卒營葬如禮矢志守節凡五
十六年邑人趙俞為之立傳

清

李氏沈廷臣妻氏年二十一嫁三月而夫亡姑病叔幼苦守陳氏

江灣里志 卷十一 列女三 三十五

汪某妻氏姑素有邪行有欲私氏者以利啖其姑秦氏廩生夏鯤

南妻乾隆丁未邑令火繼宗獎巾幗明經額季氏沈明妻居殷七

年十七于歸甫三載夫亡阿翁與媒氏謀奪志議婚者盈門外待肩
輿至氏覺向夫靈前哭之入寢遂自經死時嘉慶十九年七月也

沈氏邵颺妻氏年二十二夫亡陳氏劉俊岩妻氏年二十七夫亡

年遇賊不
屈投水死

列女三貞

明

嚴氏女父南皋居十一都未嫁夫亡父母欲再字女聞勺

清

孔氏邢世勳聘妻居鎮未婚夫亡祝氏談尙承聘妻居闕三圖氏

奔喪守志撫嗣子孝事舅金氏周楠聘妻氏廩生邁女也未嫁夫

姑卒年六十乾隆十年旌

張給匾 趙氏女 居鎮名碧姐年十八許字侯姓夫亡其舅父欲再

斧伐我節繼以妄誕玷我貞我死 顧氏一貞女 居鎮名佩二女長曰圖

日也遂翠而無時康熙三十七年隆歲侵邑令賀祥珠二女長曰圖

口見二貞女郵之無後陞任制憲閱兵吳淞蒞鎮獎曰仁同射聲 嚴氏二貞女 居

三圖皆守貞 黃氏金飛鵬聘妻 氏居大場里中丁姓聘之未嫁夫亡聞訃絕粒而

李氏丁遷善聘妻 氏居大場里中丁姓聘之未嫁夫亡聞訃絕粒而

獎貞閨 李氏女 父長生少孤孀姑母江李氏撫之成室生一子 鞠下氏

烈性弱弟及弟娶妻成立氏念父受姑母恩誓終身不字 龔氏女 於廷望事祖姑下氏

弟亦奉若女 王步瀛 孝養不字守貞至六 黃氏女 少福德母女

子未嫁夫亡 王氏女 父步瀛 孝養不字守貞至六 黃氏女 少福德母女

守貞以終 王氏女 父步瀛 孝養不字守貞至六 黃氏女 少福德母女

盡禮貞潔自守卒年五十六 葬 馬氏二女 巧姑性皆孝友幼事父名母女

母溫清定省有若成人父嘗病危翠姑割股肉和藥以進病果瘳年

五翠姑歿後復矢志不字終養其親茹素完貞卒年 汪氏女 名素

父琴臺所鍾愛女不願遠離膝下 刁氏女 名顯貞父朝均以針世

志永事其親守貞不嫁卒年七十 刁氏女 名顯貞父朝均以針世

助孀母奉養未幾次兄夫婦又故遺孤待撫女不忍 嚴氏女 鏡名思

沐濟老而無子矢志守貞茹 列女四 壽 倪氏訓導王維清妻 居鎮卒年

素終事其親卒年五十五 茹 列女四 壽 倪氏訓導王維清妻 居鎮卒年

顧氏印涵三妻 居鎮卒年 倪氏訓導王維清妻 居鎮卒年 陸氏

增貢生嚴錫三妻 居鎮卒年 楊氏全麟書妻 居鎮卒年 嚴氏

徐坤全妻 居鎮卒年 陳氏陸世昌妻 居鎮卒年 柏光緒

額身 盛氏校尉陸世榮妻 居鎮卒年 唐氏諸生蔡兆芝妻 居鎮卒年

江灣里志 卷十二 列女三 三二十六

列女四 壽